

Message Two

Hpung hta mădu a hpung shing kang a mătu hkristu hpē asak hkrung na mătu, hkristu hpē kăba dandawng na lam htē hkristu hpē amyēt lu la na mătu anhtē a n-gun htē hpring tsup ai mădu rē ai Hkristu hta yawng măyawng amu ni hpē gălaw na mătu măkoi măgap ai lam hpē shărin la ai lam

Hti na chyum daw: Hpi 1:19-21a, 2:2, 3:14, 4:6-8, 11-13

I. Pawlu gaw n-gun atsam htē hpring tsup ai Mădu rē ai Hkristu hta yawng măyawng amu ni hpē gălaw na mătu, măkoi măgap ai hpăji hpē shărin la wu ai- Hpi 4:11b-13.

- A. Măkoi măgap ai lam hpē shărin la ai lam ngu ai ga shingkyang hta Pawlu a nnan măbyin măsa, nnan rē ai măkau grupyin de du mat ai lam hpē mădi mădun nga ai. Anhtē gaw măkau grupyin nnan hta nga lu ai aten shăngu hta dai măkau grupyin a asak hkrung ai măkoi măgap ai lam hpē shărin la ra nga ai.
- B. Măkoi măgap ai hpăji hpē ngai shărin la lu sai ngu a ding tawk lăchyum gaw “ngai gaw nnan hpang dat sai” ngu ai rai nga ai. Ndai shăra hta ga shădawn hku nna, mădun ga nga yang, mărai lăngai gaw măkoi măgap hpung lăngai a npawt măsa lam ni hta mătsun mădun lam ni htē nnan hpang ai hku nna, mădun dan lu nga ai.
- C. Pawlu gaw Hkristu hta gălai shai ai hpang Hkristu htē Hkristu a hkumhkrang kăta de nnan hpang ai hkrum wu ai. Dai hpang shi gaw Hkristu hpē asak hku nna, găra hku lu la na (Kol 3:4), Hkristu hpē găra hku asak hkrung na (Hpi 1:21a), Hkristu hpē găra hku kăba dandawng na (kăji- 20), Hkristu hpē găra hku amyēt lu la na (3:8, 12) htē Hpung asak hkrung lam hpē găra hku lu la na ngu ai măkoi măgap da ai hpăji ni hpē shărin la wu ai (1:8, 19, 2:1-4, 19-20,4:1-3).

II. Kamsham ai ni gaw măkoi măgap lam hpē shărin hkam la nga ai săpe ni hku nna, shărin hkam la ai ni rai nga ai. Dai gaw kăbu găra lăka măli hta ka mătsing da ai Yēsu a asak hkrung lam jaw ai măsa lam a tengman ai yawng a kăta de shanhtē hpē lam mădun ya na mătu, tengman ai a Wēnyi hpē ahkang jaw ai mărang ē Yēsu hta nga ai tengman ai lam rē ai Hkristu hpē shărin la na mătu rai nga ai. Dai hta Yēsu gaw Kărai Kăsang hta, Kărai Kăsang htē rau, Kărai Kăsang a mătu yawng măyawng hpē gălaw wu ai asak hkrung lam rai nga ai. Kărai Kăsang gaw shi a asak hkrung lam hta nga nna, shi gaw Kărai Kăsang htē lăngai sha nga wu ai- Yhn 16:13, Ehp 4:20-21.

- A. Hkristu a hpang hkan ai ni gaw Kărai Măsha lăngai a kăsi kămang rē ai, dinghta ga hta Hkristu a shinggin asak hkrung lam kaw na săpe shăbyin hkrum ai ni- Mădu a shinggin byin ai lam hta tinang hkum nan nyet kau ai mărang ē, Kărai Kăsang hpē asak hkrung ai lam (Yhn 5:19-30), măsha htē seng nna shanhtē a hkamla ai lam hpē tsep kawp gălai kau ai lam nga ai ni rai nga ai (Hpi 2:8).
- B. Hkristu gaw shi a măsha rudi hta tinang hkum nan nyet kau ai a mărang ē, Kărai Kăsang hpē asak hkrung ai măjaw, Mădu gaw “ nni nhkri hkrum ai a mărang ē, mădat măra ai lam hpē shărin la wu ai” (Heb 5:8), wudang hta si ai du hkra mădat măra nga ai (Hpi 2:8).
- C. Anhtē gaw anhtē a hkumshan asak hku nrē sha, mădat măra ai asak hkrum lam ngu ai hkrung rawt ai lam hta nga ai Mădu a asak mărang ē, Mădu a kăsi kămang htē mären, Hkristu hpē shărin la ai (Mht 11:29), săpe lăngai gaw shi a shinggin asak hkrung lam hta Kărai htē seng ai asak hpē asak hkrung ai wa rai nga ai.
- D. “Ngai gaw bai lu la ai lam hta Hpu nau Watchman Nee găra hku hkawm sa ai lam hpē shi mătsat ning du hkra hkaja let măda yu ai. Shi hta hkaja let măda yu ai lam yawng gaw ngai hpē shărin achyin ya ai lam ni byin wa ai”. (*The Collected Works of Witness Lee, 1994-1997, vol. 5, “The Vital Groups,” p.76*).
- E. Mădu Kărai a săpe ni, Mădu a shărin hkam la ai ni hku nna, anhtē gaw “anhtē a hkyē hkrang la ai Mădu Kărai Kăsang a măsha ntsa lănu lăhku ai lam htē n-gaw nwoi ai tsawra myit” hku nna, anhtē hta daw pru wu ai Kărai Kăsang a chyēju hku nna, Mădu a gawn hkang ai npu hta mătut mănoi nga nga ai. Ndai chyēju gaw “ tăra nhkungga ai myit htē mungkan ga hpē mărin mărıt ai myit hpē kăbai kau na mătu mung, sărai sădang hte si si rai nga na lam, ding hpring nna tăra hkungga ai asak hkrung lam htē ndai

mungkan hta nga pra na mätu mung, dai chyēju tāra gaw anhtē hpē shrin ya na mätu, Kārai Kāsang a chyēju gaw dan pru wa sai rai nna, masha yawng hpē hkyēhkrang la ai lam hpaw was ai".Tit 3:4, 2:11-13,

- F. Hpung asak hkrung lam hta nga ai kănau kăna ni gaw Mădu Kārai a sāpe ni re ai măjaw asak kăba ai kănau kăna ni gaw kăji ai kănu kăna ni hpē "shanhtē a mădu wa hpē tsawra ai wa rai na mätu, shanhtē a kăshu kăsha ni hpē tsawra ai ni byin na mätu, sări sädang hkrang ai wa, san seng ai wa, tinang dum nta hpē yu lănu lăhku ai wa, kăja ai wa, mădu wa a uphkang ai hpē mădat măra ai wa byin na mätu, Kārai Kāsang a mungga hpē măsa măwa tsun ai lam hta na lawt kawt na mätu" Kārai htē rau shārin achyin ya ra ai- 2:3-5.
- G. Mădu Kārai a sāpe ni hku nna, anhtē gaw "ndai lam gaw hpa lam re ai hpē sa u, shārin la u" ngu ai Mădu Kārai a ga hpē mădat măra na ra nga ai. Kārai Kāsang gaw mătsan măyen re ai yup bak măsha ni hpē n-gaw n-woi ai mătsan dum lam hpē mădun măyu nga ai. Dai măjaw mădu gaw anhtē hpē tsawra myit hta kăga măsha ni hpang n-gaw n-woi ai lam mădun shāngun măyu nga ai- Mht 9:12-13, Mik 6:6-8, Mak 12:33

III. Hpilipi 4 hta nga ai măkoi măgap da lam gaw anhtē hpē n-gun lăgaw shăja ya ai Mădu rē ai Hkristu hta lam shăgu hpē gălaw na mätu rai nga ai- kăji 13, shăkawn măhkawn 564.

- A. Pawlu gaw Hkristu hta nga ai măsha lăngai rai nna (2Kor 12:2a), shi gaw kăga ni a mărang ē, Hkristu hta mu hkam na mätu ra shărawng wu ai. Hpilipi 4:13 hta shi gaw shi hpē n-gun lăgaw shăja ya ai Hkristu a mărang ē lam shăgu hpē dang di lu sai ngu nna, ndau wu ai. N dai gaw Hkristu hpē shi a hkrum kădup hkam sha ai lam htē seng nna, yawng măyawng lawm ai ga hpungdim rai nga ai. Dai gaw Mădu htē rau anhtē a asak hkrung ai mătut mănoi ai lam htē seng nna, Yawhan 15:5 hta nga ai Mădu Kārai a ga hpē tsun ai lam rai nga ai- "ngai htē hka jang nanhtē hpa mung n-gălaw lu mit dai".
- B. Pawlu gaw Yuda nawku htung a tāra npu hta tsep kawp nga nna, kăga ni hpē mung tāra a npu de sa ya ai wa rai nga ai. Raitim dai nawku htung kaw na Hkristu hpang gălai shai wa ai lam hta shi gaw "Hkristu hta nga ai măsha lăngai" byin wa ai- 2Kor 12:2b.
- C. Ya shi hpē yu nga ai ni yawng gaw Hkristu hta mu hkam hkrum na lam shi myit măda wu ai, ndai gaw shi a măbyin yawng Hkristu hta lup mat nna, tsep kawp byawng bang hpring tsup na mätu ra shărawng nga ai lam hpē mădun nga ai. Rai yang shē shi hpē yu nga ai ni yawng gaw Hkristu hpē hpring tsup hkra hkrum kădup hkam sha lu na rai nga ai. Anhtē gaw Hkristu hta mu hkam hkrum ai rai yang shē, Hkristu gaw hpung shingkrang dandawng ai lam nga na rai nga ai-Hpi 3:9a, 1:20.
- D. Măga mi hta Hkristu a n-gun shăja ya ai atsam a mărang ē anhtē gaw kăbu myit dik ai asak hkrung lam hpē asak hkrung lu ai (4:11-12), măga mi hku nga yang, Hkristu a n-gun jaw ai atsam a mărang ē, anhtē gaw tengman ai lam, htap htuk ai lam, dinghpring ai lam, sanseng ai lam, shărawng awng ai lam htē shăkawn hkrum ai lam ni ngai lu ai (kăji -8).
- E. N-gun atsam htē hpring tsup ai Mădu re ai Hkristu a lam htē seng nna, Pawlu a ga gaw anhtē a shinggin mai kăja ai lam hku nna, Mădu hpē asak hkrung na htē Mădu a shădawn shădang lam nnga ai hpung rawng ai lam hta Mădu hpē dandawng na mätu anhtē hpē Hkristu a n-gun jaw ai lam hpē grau nna byin shāngun nga ai. N dai măi kăja lam ni hta asak hkrung ai lam gaw hkristan bungli lăngai hpē gălaw ai lam hta grau nna, yak hkrak nga ai.

IV. N-gun lăgaw shăja ya ai Mădu, Hkristu hta lam shăgu hpē gălaw na mätu tatut rē ai măhkrun gaw Hpilipi 4:6-7 hta mu lu ai. "Hpa lam hta mung myit hkum ru hkum tsang myit, lam shăgu hta akyu hpyi nna, tawngban ai htē shăkawn kungdawn let, nanhtē a hpyi măhpyi hpē Kārai Kāsang kaw shăna nga mu. Shăloi, chyē chyang ai nyan yawng hta grau lai ai Kārai Kāsang a ngwi pyaw ai gaw, nanhtē a myit măsin htē nanhtē a myit mang ai hpē, Hkristu Yēsu hta ē, bau sin na ra ai".

- A. Hkristu shi nan gaw măsha a chyē chyang ai nyan hta grau lai a Kārai Kāsang a simsa ngwi pyaw ai lam rai nga ai- Esa 9:6, Yhn 14:27, Luk 7:50, Rom 3:17, 5:1, 8:6,15:13,16:20.

- B. Kārai Kāsang hpē ngu ai gaw, asak hkrung ai gumhpawn ai lam htē pawng hpawn ai lam hpē mādi mādun nna, kānawn mǎzum ai lam hpē mādun nga ai. Dai mǎjaw ndai shāra hta Kārai Kāsang hpē ngu ai gaw Kārai Kāsang hte kānawn mǎzum ai lam hta nga ai lam rai nga ai- Hpi 4:6.
- C. Kyuhpyi ai lam hta Kārai Kāsang htē kānawn mǎzum ai lam hpē shāman shākyang ai a akyu ara hta anhtē gaw Kārai Kāsang a simsa ngwi pyaw ai lam hpē kābu gāra lu ai lam rai nga ai. Kārai Kāsang a simsa ngwi pyaw ai lam ngu ai gaw kāja wa sha, simsa ngwi pyaw ai lam ngu ai Kārai Kāsang gaw (kāji -9) kyuhpyi ai a mǎrang ē Mādu htē anhtē a kānawn mǎzum ai a mǎrang ē, anhtē a kǎta de shi hkum nan bang ya nna, nni nkri hkrum ai lam ni hpē pri nem shāngun nna, myit tsang lam ni hpē shāmat kau ya nga ai (Yhn 16:33).
- D. Simsa lam a Kārai Kāsang gaw anhtē a myit mǎsin ni hpē sin mǎkawp ya nna, Hkristu hta nga ai yaw shāda lam ni a mǎrang ē, ting shāling rē nga na mǎtu hkang zing ya nga ai (mādun- Esa 30:15a). Anhtē gaw hkrit tsang ai lam nnga ai asak hkrung lam hpē ra shārawng mǎyu ai rai yang, anhtē a mǎkau grup yin a mǎsa lam yawng, kāja ai raitim, nkāja ai raitim, Hkristu hpē amyēt lu na mǎtu, Hkristu hpē asak hkrung na htē Hkristu hpē dandawng na mǎtu rai nga ai anhtē a pandung hpring tsup ai hta daw jau na mǎtu Kārai Kāsang a mǎrang ē hkyen lǎjang da ai lam hpē chyē na ra ga ai (Rom 8:28-30, Mht 10:29-31, 2Kor 4:15-18).

V. N-gun htē hpring tsup shāngun ai Mādu rē ai Hkristu hta lam shāgu hpē gǎlaw ai lam a mǎkoi mǎgap lam hpē shārin hkam la ai lam gaw anhtē a hkawhkam, anhtē a Mādu Kārai, anhtē a “Baw” htē anhtē a ningrum ningtau rē ai Yēsu htē rau kānawn mǎzum kyuhpyi mǎtu rai nga ai (shākawn mǎhkawn – 784). Kārai Kāsang htē mǎtut mǎhkai ai kyuhpyi ai lam hta myit mǎsin hta tengman ai ga ni lawm nga ai.

- A. Anhtē gaw myit npyaw ai lam, myit daw ai lam htē myit hten ai lam ni hta nga chyē ga ai. Anhtē a manghkang ni hpē Mādu Kārai h pang la sa wa nna, dai lam ni hpē Mādu h pang tsun dan mai ga ai. Mādu gaw kāja htum ai mǎdat ya ai wa rai nga ai. Mādu gaw anhtē a hkamsha lam ni hpē chyē ya nna, anhtē a myit mǎsin hpē myit tau ya nga ai. Mādu gaw anhtē hpē shālan shābran ya nna, gǎrum ya lu ai.
- B. Anhtē gaw Mādu Kārai htē rau yawng mǎyawng tsun dan ai lam hte anhtē a myit mǎsin hpē Mādu Kārai h pang ru jaw ai lam nga ai shāloi, Mādu Kārai htē anhtē a hkau chyap ai lam gaw kāhtap nna lǎgaw lǎhkam lǎngai rai nhtawm, anhtē gaw Mādu hpē kǎchyi mi grau nna, chyē wa ga ai. Ndai lam hta Mādu Kārai htē hkau chyap ai lam a mǎtut mǎhkai ai lam nga ai gaw, Mādu htē anhtē a man man rē ai mǎnawn mǎzum lam nga ai hta shājan shālai tsa lam shādang lai jan nga ai. Ndai mǎtut mǎhkai ai lam ni a mǎrang ē anhtē gaw asak hta kāba wa ai lam rai nga ai- Shk 62:6-8, 56:8, mādun- 1Smu 1:15.
- C. Mǎsha lǎngai gaw Mādu Kārai a shawng hta gǎloi mung myi prwi nhkrat ga ai rai yang gaw, shi a kābu gāra ai lam shing nrai, myit kāji ai lam ni hpē kǎlang mung n-garan kǎchyan yu ai, shi a lam ni hpē Mādu Kārai htē kǎlang mi mung ntsun yu ai rai yang, shi gaw Mādu htē hkau chyap ai kānawn mǎzum lam kǎlang mung nnga ai lam rai nga ai. Mǎsha gaw Mādu hta lam shāgu hpē tsun dan ai a mǎrang sha Mādu Kārai h pang de, ni htep hkra sit shang lu ga ai.
- D. Mādu gaw anhtē a manghkang shāgu a mǎtu, myit tau ya nga ai. Anhtē a Mādu Kārai gaw anhtē a myit tsang ai lam yawng hpē lit la mǎyu nga ai. Mādu gaw anhtē a tsun dan ai lam ni hpē mǎdat ai lam hta kābu pyaw nga ai. Asak hka hku nna, Mādu hpē kābu gāra lu na mǎtu anhtē a wēnyi htē seng ai nlung rē ai Mādu hpē ga shāga na ra nga ai – Bhk 20:8, 1Kor 10:4, Pru 17:6, shākawn mǎhkawn 248.
- E. Shk 102 a ga baw gaw, “Nni nkri hkrum ai mǎsha myit htum nga nna, shi a shārung shāyawt ai lam, Yehowa hpē shāna ya yang na, akyu hpyi ai ga” a lam hpē tsun da nga ai. Anhtē gaw Mādu Kārai h pang shārung shāyawt mai nga ai. Raitim anhtē a shārung shārawt ai lam gaw, kāja dik ai kyuhpyi lam, Kārai Kāsang h pang kāja htum ai ra shārawng lam kyuhpyi ai lam mung mai byin ga ai. Anhtē gaw shārung shārawt nga ai shāloi, Kārai Kāsang gaw kābu gāra nga ai. Hpa mǎjaw nga yang, anhtē gaw kǎsha a hkrang nsam htē bung wa na mǎtu Mādu gaw mai kāja lam a mǎtu mǎra, yawng mǎyawng hpē rau sha gǎlaw wu ai- Rom 8:28-29.

- F. Shk 73 hta tinang hkrum nga ai sim yam a mǎjaw mung, nhkru nshawp ai sut gan a mǎjaw mung, yu kǎtaw hkyen ai tam ai wa shǎkawng kungdawn ka ai wa a dingman ai kyuhpyi ai lam hpē mǎtsing da nga ai. Shi gaw tinang a myit mǎsin hpē kǎman lila san seng shǎngun sai ngu yin la wu ai. Hpa mǎjaw nga yang shi gaw mu lu ai sut gan ni hpē kǎbu pyaw lu na mǎlai shǎni shǎgu sin yam hkrum nna, jǎhpawt mǎnap shǎgu, zingri hkrum nga ai mǎjaw rai nga ai.
1. Nhkru nshawp ai ni a sut gan htē seng nna, shǎkawng kungdawn ka ai wa a myit mak mat ai lam a hpǎran ai lam hpē Kǎrai Kǎsang a chyoi pra htum ai shǎra kaw na lu la wu ai (kǎji- 17), shawng ningnan Kǎrai Kǎsang a chyoi pra htum ai shǎra, Mǎdu a shǎnu ai shǎra gaw anhtē a wēnyi hta rai nna (Ehp 2:22), lǎhkawng ngu na hta gaw Hpung rai nga ai (1Tim 3:15). Kǎrai Kǎsang a chyoi pra htum ai shǎra a kǎta de sa du ai lam gaw anhtē a wēnyi hpang nhtang wa nna, hpung a kǎnawn mǎzum hpawng ni htē mǎgam amu a kǎnawn mǎzum hpawng ni de sa na mǎtu rai nga ai. Anhtē a wēnyi hta, hpung hta anhtē gaw Kǎrai htē seng ai hpaw hpyan da ai lam ni hpē lu la nna, anhtē a manghkang yawng a hpǎran ai lam hpē lu la ga ai.
 2. Mǎdu Kǎrai hte rau dingman ai ga shǎga lam ni htē Kǎrai Kǎsang a chyoi pra htum ai shǎra de du shang ai lam kaw nna, jǎhtum hta Mǎdu Kǎrai a tam ai wa gaw, Mǎdu hpē “Mǎdu kaw lai nna, sumsing hta ngai kaw kǎdai naw nga a ta, Mǎdu hta lai nna, ga ntsa hta ngai ra shǎrawng ai kǎdai mung nnga ga ai. Nyē a shan htē myit mǎsin ni gaw hten mat se ai. Rai timung, Kǎrai Kǎsang gaw nyē myit mǎsin a lung hkrung htē nyē a gambum gaw gǎloi mung rai nga ai” ngu tsun lu ai du hkra Mǎdu Kǎrai a mǎrang ē nhtoi jǎhtoi hkrum nga ai -Shk 73:25-26.
 3. Mǎdu a tam ai ni a mǎtu, Kǎrai Kǎsang a yaw shǎda lam gaw shanhtē gaw Hkristu hta lam shǎgu hpē mu mai nna, Hkristu hpē tsep kawp kǎbu gǎra ai lam kaw na, ginjang nhkrum na mǎtu rai nga ai. Mǎdu a yaw mǎtsing hta Kǎrai Kǎsang a jǎhtum chyǎlai ra shǎrawng ai lam gaw anhtē hpung hta Mǎdu a hpung shingkang a mǎtu, Hkristu hpē asak hkrung na mǎtu, Hkristu hpē kǎba dandawng shǎngun na htē Hkristu hpē amyēt lu na mǎtu rai nga ai- Hpi 1:19-21a,3:7-8, Esa 43:7, 1Kor 10:31,6:20, 1Per 4:11, Ehp 3:16-21.